

Komentar OHR-a o staroj deviznoj štednji

Sloboda izražavanja i sloboda okupljanja predstavljaju osnovne temelje svake uspješne demokratije, saopćili su predstavnici OHR u svojoj današnjoj izjavi. Međutim, u demokratskom dijalogu nema mjesta za huškačke prijetnje. OHR je dao ovakvu izjavu odgovarajući na novinske izvještaje kako će oni koji podržavaju amandmane na Zakon o staroj deviznoj štednji organizirati proteste ukoliko novi saziv Parlamenta poništi amandmane na ovaj Zakon.

Nemoguće je osigurati finansijska sredstva za implementaciju amandmana na državni Zakon o staroj deviznoj štednji te bi se ovim amandmanima ugrozili interesi svih građana BiH, kao i interesi vlasnika stare devizne štednje. Jednostavno rečeno, zemlja ne može isplatiti toliko novca.

Amandmanima na Zakon predviđeni su dodatni troškovi u iznosu od 1,7 milijarde KM za isplatu kamate, a period za isplatu je skraćen sa trinaest na pet godina.

Ukupna dugovanja u iznosu od 3,4 milijarde KM, koja bi bila isplaćena vlasnicima stare devizne štednje, predstavljaju više od 20% ovogodišnjeg bruto društvenog proizvoda (BDP), a još uvijek nisu utvrđena finansijska sredstva iz kojih bi ovi dodatni troškovi bili isplaćeni.

Amandmanima bi se ugrozila finansijska stabilnost zemlje, smanjila sposobnost organa vlasti da pružaju osnovne usluge građanima, a vlasnicima stare devizne štednje NE BI bila osigurana isplata većih iznosa sredstava, s obzirom da bi bila dovedena u pitanje sposobnost organa vlasti da ispoštuju svoje finansijske obaveze.

Upravni odbor Vijeća za implementaciju mira je tokom svoje

prošlosedmične sjednice u Sarajevu naglasio da paket za isplatu potraživanja, koji je dogovoren prije ovih amandmana, predstavlja najbolje moguće rješenje u trenutnoj ekonomskoj situaciji u BiH.